



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-04-290-1/22
Sarajevo, 21.02.2022.godine

23-02-2022			
1311	09	1276	

1311

GRADONAČELNICA
Doc. Dr. Benjamina Karić

Predmet: Prijedlozi Kluba gradskih vijećnika Naše stranke u Gradskom vijeću Grada Sarajeva na Nacrt Strategije razvoja Grada Sarajeva 2021.-2027., dostavljaju se

Poštovana gradonačelnice Karić,

U prilogu dopisa, dostavljaju se Prijedlozi na Nacrt Strategije razvoja Grada Sarajeva 2021.-2027., koje je, putem predsjedavajućeg Gradskog vijeća, podnio Klub gradskih vijećnika Naše stranke u Gradskom vijeću Grada Sarajeva, na dalje postupanje.

Zahtjev je zaprimljen u Gradskom vijeću Grada Sarajeva dana 21.02.2022. godine i protokolisan pod brojem: 01-GV-04-290/22.

S poštovanjem,



PREDSJEDAVAJUĆI GRADSKOG VIJEĆA

Jasmin Ademović

Dostaviti:

- imenovana
- Stručna služba gradonačelnice Grada Sarajeva
- a/a

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Hava Pandžić

Pošiljalatelj:

Poslano:

Prima:

Predmet:

Privici:

Adi Škaljić <skaljic1987@gmail.com>

nedjelja, 20. februar 2022. 21:37

Gradsko Vijeće Sarajevo - pisarnica; Benamina Karić

Prijedlozi na Nart strategije razvoja Grada Sarajeva 21-27

Prijedlozi na Nacrt strategije razvoja Grada Sarajeva 2021-2027.pdf

27 FEB 2022
01-GV-04-290/22

Poštovani,

Prijedlozi Kluba NS su u prilogu.

Srdačan pozdrav

Adi Škaljić

Klub vijećnika_ća Naše stranke u Gradskom vijeću Grada Sarajeva
Sarajevo, 20.2.2022.

BOSNA I HERCEGOVINA
FEDERACIJA BOSNE I HERCEGOVINE
KANTONA SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

Dostaviti:
predlagaču, Gradonačelnica Grada Sarajeva i
obrađivaču, Stručna služba gradonačelnice Grada Sarajeva

**PREDMET: PRIJEDLOZI NA NACRT STRATEGIJE RAZVOJA
GRADA SARAJEVA 2021-2027.**

Poštovani,

Na člana 114. Poslovnika Gradskog vijeća Grada Sarajeva, u toku javne rasprave za gore
navedeni akt, dostavljamo sljedeće prijedloge:

PRIJEDLOG 1.

SWOT analiza, odjeljak „slabosti“:

- Detaljnije predstaviti procenete naplate vlastitih prihoda od iznajmljivanja reklamnih površina.
- Taksativno navesti u kojim upravnim oblastima su dijagnosticirane netransparetnosti u radu i djelovanju.
- Posvetiti dio analizi slabosti stručnog i pomoćnog kadra Gradske uprave, njihovog zadovoljstva na radnom mjestu, eventualne potrebe dodatne edukacije itd.

PRIJEDLOG 2.

STRATEŠKI CILJ 1:

- Pojedinačni strateški ciljevi nisu mjerljivi, ne navodi se trenutni stepen izvršenja, niti onaj koji bi bio zadovoljavajući u godini isteka Strategije razvoja;
- Za izvršenje pojedinačnih strateških ciljeva nisu definisane odgovorne osobe;
- Potrebno je najaviti periodične monitoringe izvršenja ciljeva, o kojima bi odgovorne osobe informisale Gradsko vijeće Grada Sarajeva.

PRIJEDLOG 3.

STRATEŠKI CILJ 3, PRIORITET 3.2, MJERA 3.2.1:

- Urediti izložbeni dio najvrijednijih dijelova zbirke Nacionalne Biblioteke, koji bi služio kao svojevrsan muzej književnosti, a sačinjavali bi ga tekstovni izrazitog humanističkog značaja;
- Organizirati dane filma, poezije, fotografije i likovne umjetnosti i generalno promovirati kulturna dešavanja kako bi s eobjektu vratio društveni značaj.

PRIJEDLOG 4.

STRATEŠKI CILJ 3, PRIORITET 3.2, MJERA 3.2.5:

- Na osnovu relevantnih historijografskih podataka kvantificirati štetu koja je ratnim dejstvima nanesena fasadama vrijednih objekata u Sarajevu;
- U medijskim istupima problematizirati ovu negativnu zaostavštinu i na taj način podići svijest o finansijskim i reputacijskim gubicima koji su nastali kao posljedica ratnih dejstava.

PRIJEDLOG 5.

STRATEŠKI CILJ 3, PRIORITET 3.2, MJERA 3.2.7:

- Finansirati ili sufinansirati posjete penzionera / umirovljenika kulturnim ustanovama, kao i djece vrtićke dobi za one ustanove gdje je to pogodno.

PRIJEDLOG 6.

STRATEŠKI CILJ 4:

- U ovaj strateški cilj uvrstiti rekreativni sport koji je u posljednjih nekoliko godina najmasovniji. Geografski položaj Sarajeva nudi mnoge lokacije za prakticiranje sporta, što se reflektuje u nizu sportskih manifestacija, koje se većinom tiču rekreativnih sportova poput planinarenja, trčanja, canicrossa, trailrunninga itd.

PRIJEDLOG 7.

STRATEŠKI CILJ 6, PRIORITET 6.3, MJERA 6.3.3:

- Saradnja sa općinama u cilju uklanjanja fizičkih barijera za kretanje osoba ograničenih fizičkih sposobnosti;
- Podrška Biblioteci za slijepa i slabovidna lica koja kao i ostale ustanove kulture od značaja za BiH ima problem finansiranja djelatnosti.

PRIJEDLOG 8

STRATEŠKI CILJ 6, PRIORITET 6.1, MJERA 6.1.1:

- prepoznati i nagraditi izvrsnost kod mladih. Pronaći način i modele kojim bi isti bili valorizirani kroz stipendije, pomoć pri takmičenjima i odlascima na međunarodna takmičenja. Obrazovanje i prepoznavanje izvrsnosti kako na domaćem tako i na međunarodnom nivou predstavlja izvrsnu promociju našeg grada.

Klub vijećnika_ca NS



Predsjednik kluba, Adi Škaljić

Poštovani,

Dostavljamo Vam sugestije i komentare na Nacrt Strategije razvoja Grada Sarajeva za period 2021-2027, ispred Općine Novo Sarajevo.

U skladu sa članom 16. Uredbe o izradi strateških dokumenata u FBiH, potrebno je međusobno uskladiti strateške dokumente u Federaciji, kantonima i jedinicama lokalne samouprave kako bi se osigurala provjera usklađenosti razvojnih pravaca i strateških ciljeva Strategije razvoja Federacije, strategije razvoja kantona i strategije razvoja jedinica lokalne samouprave, kao i usklađenost Strategije razvoja Federacije i strategije razvoja kantona sa strateškim pravcima i strateškim ciljevima sektorskih strategija na istom nivou.

Metodološki, Nacrt Strategije razvoja Grada Sarajeva za period 2021-2027, ne prati Prijedlog Strategije razvoja Kantona Sarajevo 2021-2027.

Bez obzira što Strategija razvoja Kantona Sarajevo još uvijek nije usvojena, ista je dostupna u formi prijedloga, na web stranici Skupštine KS (<https://skupstina.ks.gov.ba/prijedlog-strategije-razvoja-kantona-sarajevo-2021-2027>), te bi istu stoga ipak trebalo uzeti u obzir, a imajući u vidu obavezu usklađivanja u skladu sa naprijed navedenom Uredbom član 6. Stav (5): *U procesima izrade strateških dokumenata za nivo jedinica lokalne samouprave, jedinice lokalne samouprave se vode razvojnim ciljevima i prioritetima na nivou kantona, uz mogućnost definiranja i dodatnih ciljeva i prioriteta za područje jedinice lokalne samouprave.*

U skladu sa članom 13. Uredbe o izradi strateških dokumenata u FBiH, za implementaciju strateških dokumenata mogu se **identificirati strateški projekti** kao intervencije najvećeg značaja za ostvarenje strateških ciljeva. Strateški projekti trebaju imati višestruki efekat na razvoj i njihova implementacija može biti osnov za pokretanje drugih projekata. Rezultati strateških projekata trebaju da doprinesu pozitivnom uticaju na poboljšanje kvaliteta života veće grupe građana, a naročito socijalno ugroženih kategorija stanovništva, te da omoguće održivi rast i razvoj. Strateški projekti sadrže kratki opis, očekivane efekte i indikativni finansijski okvir.

U Nacrtu Strategije razvoja Grada Sarajeva za period 2021-2027, strateški projekti su zapravo mjere, što metodološki ne prati Prijedlog Strategije razvoja Kantona Sarajevo 2021-2027.

Također, analizirajući postavljene indikatore, primijetili smo da je dosta veliki broj indikatora definisan na način "da" - "ne", te treba razmotriti da li barem za neke od njih postoji mogućnost definisanja mjerljivijih i jasnijih indikatora (brojčano, procentualno i sl.).

Pored naprijed navedenog, u dokumentu nije istaknuta saradnja sa gradskim općinama, po pitanju realizacije projekata od značaja kako za Grad Sarajevo, tako i za pojedinačne općine u sastavu istog. Konkretno vezano za Općinu Novo Sarajevo, naglasili bi projekat rekonstrukcije Spomen parka Vraca,

koji je planiran i Nacrtom Strategije Općine Novo Sarajevo za period 2021.-2027. godina. Također, kao jedan od projekata koji bi eventualno mogao biti značajan za cijeli grad Sarajevo, a također i za sve općine je rekonstrukcija bob staze na Trebeviću, te je prijedlog da se razmotri uvrštavanje ovog projekta u dokument.

Iskoristili bi ovu priliku i da pohvalimo inovativnost u izradi dokumenta, pogotovo viziju kojoj teži Grad Sarajevo - da postane grad hiljadu mostova, grad filma i centar kreativnosti i sl.

Nadamo se da ćete u što skorije vrijeme usvojiti Strategiju razvoja Grada, te želimo istaći da smo spremni za svaku vrstu saradnje u cilju unapređenja života naših građana.

Srdačan pozdrav,

Općina Novo Sarajevo



Služba za upravljanje lokalnim razvojem

Zmaja od Bosne 55 | 71000 Sarajevo | Bosna i Hercegovina |

Tel: +387 33 492 392 | 33 492 164

E-mail: lokalni razvoj@novosarajevo.ba



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Bosna i Hercegovina-Federacija Bosna i
Hercegovine - KANTON SARAJEVO
GRAD SARAJEVO - GRADONAČELNIŠTVO

13

A-21

Broj: 01-7-03-336-1/22
Sarajevo, 23.02.2022. godine

02-03-2022		
Redni broj	Zastupnička masa	Redni broj
13	04	1616

KANTON SARAJEVO
GRAD SARAJEVO
Hamdije Kreševljakovića br. 3

PREDMET: Nacrt Strategije razvoja Grada Sarajeva 2021. – 2027., odgovor, dostavlja se;-

VEZA: Vaš akt broj: 01/13-04-189-8/22 od 14.01.2022. godine

U vezi vašeg akta broj i datum veze, obavještavamo vas da Ministarstvo unutrašnjih poslova Kantona Sarajevo uključujući upravu policije, Ministarstva unutrašnjih poslova Kantona Sarajevo nema primjedbi, prijedloga, mišljenja i sugestija na tekst Nacrta Strategije razvoja Grada Sarajeva 2021. – 2027.

S poštovanjem,



MINISTAR

Admir Katica

Dostaviti:

1. Naslovu;
2. a/a.



Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Босна и Херцеговина
Федерација Босне и Херцеговине
КАНТОН САРАЈЕВО
Министарство за борачка питања

Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

10-02-2022

Redni broj	Broj prijava
09	09

Broj: 02-02-1404/22
Sarajevo, 04.02.2022. godine

GRAD SARAJEVO
Gradsko vijeće
ul. Hamdije Kreševljakovića br.3
71000 Sarajevo

PREDMET: Zahtjev za dostavu primjedbi, prijedloga, mišljenja i sugestija na Nacrt Strategije razvoja Grada Sarajeva 2021. - 2027., dostavlja se;

VEZA: Vaš akt broj: 01/13-04-189-8/22 od 14.01.2022. godine upućen Vladi Kantona Sarajevo.

Ministarstvo za boračka pitanja Kantona Sarajevo je razmotrilo Nacrt Strategije razvoja Grada Sarajeva 2021. - 2027., te u tom smislu konstatujemo da su Strategijom obuhvaćeni svi segmenti razvoja Grada Sarajeva, posebno ističemo inovativnost u pristupu odabira prioriteta, primjetan je naučni metodološki pristup, objektivni i realni rokovi, te pažljivo birani strateški ciljevi, koji daju jedan novi impuls i duh Gradu Sarajevu, a sa svim potrebnim prirodnim i drugim resursima kojima Grad Sarajevo raspolaže.

Pored gore navedenog, a u cilju realizacije zajedničkih projekata a koji se odnose i na obaveze Grada Sarajeva, predlažemo da se strategijom obuhvati i slijedeće:

Skupština Kantona Sarajevo je donijela Odluku o usvajanju Projekta "Opsada i Odbrana Sarajeva 1992-1995. godine" (Službene novine Kantona Sarajevo ; broj 9/06, 15/07, 35/12 i 29/15), koji se sastoji od 12 (dvanaest) Potprojekata koji posmatrajući odvojeno predstavljaju zasebne Projekte i koji imaju za cilj da obuhvate sve značajne vrijednosti i tekovine odbrambeno-oslobodilačkog rata "1992-1995. godine". Istom Odlukom za sve Potprojekte su određeni i nosioci aktivnosti koju su zaduženi za njihovu implementaciju.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

1/1

Iz navedenog Nacrta Strategije vidi se da neki potprojekti iz Projekta "Opsada i Odbrana Sarajeva 1992-1995. godine" nisu tretirani i Ministarstvo sugeriše da se oni uvrste u Strategiju i to:

1. Projekat izgradnje centralnog spomen obilježja svim poginulim braniteljima opkoljenog Sarajeva;

Nosilac aktivnosti: Ministarstvo za boračka pitanja Kantona Sarajevo, Grad Sarajevo, općine Stari Grad i Centar

U prethodnom periodu Zavod za izgradnju Kantona Sarajevo je proveo Javni Konkursa za izbor najboljeg idejnog rješenja Centralnog spomen obilježja svim poginulim braniteljima opkoljenog Sarajeva 1992-1995. godine na području Kantona Sarajevo.

S obzirom da će u ovoj godini biti nastavljene aktivnosti na iznalaženju nove lokacije, izradi urbanističke i građevinsko-tehničke dokumentacije za izgradnju centralnog spomen obilježja, potrebno je da kroz svoju Strategiju, strateške ciljeve i prioritete planirate aktivnosti i određena budžetska sredstva.

2. Projekat sanacije i stavljanja u funkciju „Tunela D-B“;

Nosilac aktivnosti: Ministarstvo za boračka pitanja Kantona Sarajevo, Grad Sarajevo, općine Novi Grad i Ilidža

Ministarstvo za boračka pitanja Kantona Sarajevo u saradnji sa Fondom Memorijala, općinama i zavodima provodi aktivnosti na realizaciji sanacije i stavljanja u funkciju Tunela D-B..

U prethodnom periodu su provedene procedure usvajanja urbanističkog projekta u općinskim vijećima Novi Grad i Ilidža, te smatramo da bi i Grad Sarajevo trebalo u svojoj Strategiji planirati određene aktivnosti i određena budžetska sredstva.

3. Projekat izgradnje memorijalnog centra Žuč;

Nosilac aktivnosti: Vlada Kantona Sarajevo (putem redovne izrade prostorno-planske dokumentacije)

Trenutno je potpisan Sporazum o nastavku aktivnosti na izgradnji Memorijalnog centra „Žuč“ – prva faza između općine Novi Grad, općine Novo Sarajevo, općine Vogošća, Fonda Memorijala, Zavoda za izgradnju Kantona Sarajevo i Ministarstva za boračka pitanja Kantona Sarajevo, kojim su definisane smjernice za provođenje daljih aktivnosti na izgradnji gore navedenog memorijalnog centra.

U ovoj godini planiran je početak izgradnje monumentalnog spomenika braniteljima Žuci i trenutno se provode aktivnosti na obezbjeđenju sredstava i izbora izvođača radova. Predlažemo da Grad Sarajevo u okviru svoje Strategije planira određene aktivnosti i određena sredstva za implementaciju ovog projekta.

Sa aspekta Potprojekta br. 6. Odluke, a s obzirom na bitnost njegovanja tekovina iz perioda odbrambeno- oslobodilačkog rata 1992- 1995. godine Ministarstvo je u saradnji sa Zavodom za izgradnju Kantona Sarajevo angažovalo Stručni tim za izradu Elaborata Potprojekta "Obilježavanje




vatrenih tačaka opsade i odbrane Sarajeva 1992-1995. godine". Elaborat je završen 2007. godine. Elaborat je predvidio da se 42 kilometra linije opsade i odbrane Sarajeva definišu na mapi, da se prepoznaju neuralgične tačke odakle su se ubijali građani Sarajeva i odakle su djelovali tenkovi, prage, snajperi i drugo oruđe i oružje, te da se na tim mjestima postave panoi i simbolično delaborirana oruđa i oružja, kao i da se uredi staze i drugi sadržaji koji bi bili uzajamno povezani i prohodni. Takođe je 2012. godine urađena specifikacija potrebnog oruđa i oružja te druge vojne opreme za potrebe implementacije ovog Potprojekta, te u saradnji sa Javnom ustanovom JU "Muzej Sarajeva" prosljeđena Ministarstvu odbrane BiH. Međutim, Ministarstvo odbrane još uvijek nije odobrilo i izvršilo delaboraciju sa obrazloženjem da čekaju Odluku Predsjedništva BiH, koje daje konačnu saglasnost.


U tom smislu smatramo da Grad Sarajevo može dati veliki doprinos kako bi se Projekat obilježavanja vatrenih tačaka opsade i odbrane Sarajevo "92-95.godine" konačno stavio u funkciju, te je potrebno da se Strategijom planiraju određene aktivnosti u tom smislu.

Smatramo da je kultura sjećanja na događaje iz perioda 92.-95. godine, kao i period NOR-a 41.-45. godine, koja njeguje ideje antifašizma i druge civilizacijske vrijednosti, važan segment za očuvanje i unapređenje ukupne kulture i podizanja društvene svijesti, kao i veliki doprinos u izgradnji identiteta bosanskog naroda i države Bosne i Hercegovine.

U tom smislu predlažemo da u vaše strateške aktivnosti, ciljeve i prioritete ugradite efikasne mehanizme kako bi nadležne institucije i organi poduzeli aktivnosti u smislu da se u odgojno obrazovnim ustanovama i drugim organizacijama počnu izučavati dešavanja iz perioda odbrambeno – oslobodilačkog rata 92.-95., kada je izvršena agresija na BiH, a u cilju promovisanja i prenošanja istine iz tog perioda na naše mlade naraštaje, kako bi se sačuvala istina iz tog perioda od zaborava.

S poštovanjem,


Obradio: Hašim Halilović, dipl. pravnik


Kontrolisao: mr. Osman Smajlović



Dostaviti:

☉ naslovu,

- Vlada Kantona Sarajevo, n/r premijera (na znanje)

- a/a.



Adresa: Reisa Džemaludina Čauševića 1, 71000 Sarajevo

Tel: + 387 (0) 33 562-012, Fax: + 387 (0) 33 562-251

Web: <http://mbp.ks.gov.ba>, E-mail: mbp@mbp.ks.gov.ba

3/1



Bosnia and Herzegovina
Federation of Bosnia and Herzegovina

CANTON SARAJEVO
Institute for Canton Planning

PRIMLJENO: 11-02-2022			
Broj prijave	Klasifikaciona oznaka	Redni broj	Broj priloga
09	09	1052	

Broj: 05-24-239/22
Sarajevo, 10.02.2022.

Bosna i Hercegovina
Federacija Bosne i Hercegovine
Kanton Sarajevo

Grad Sarajevo
Gradonačelnica

Predmet: Učešće u javnoj raspravi o Nacrtu Strategije razvoja Grada Sarajeva 2021. - 2027.

Poštovani,

U skladu sa Vašim dopisom broj 01/13-04-189-9/22 od 14.01.2022. godine kojim ste tražili da zauzmemo učešće u javnoj raspravi na Nacrt Strategije razvoja Grada Sarajeva 2021. - 2027., u nastavku dostavljamo mišljenje o istoj.

Prije svega, drago nam je da je u izradi Strategija razvoja Grada Sarajeva i da je prepoznat značaj izrade strateških dokumenata za razvoj.

Uvidom u dokument Nacrt Strategije razvoja Grada Sarajeva 2021-2027. uočili smo slijedeće:

- Kod izrade dokumenta nisu prepoznate osnovne faze izrade strateških dokumenata (član 10. Uredbe), odnosno i ako su možda neke faze ispoštovane, u Nacrtu one nisu prepoznate. Strateška platforma je prva faza kod izrade, uključuje situacionu analizu, usklađenost sa prostorno planskom dokumentacijom, viziju i strateške ciljeve sa indikatorima (član 11. Uredbe). Poštujući vaše obrazloženje o skraćenim procedurama izrade Strategije, smatrat da se kroz sadržaj Strategije, odnosno obavezujuća poglavlja moglo naznačiti (bar kratko) ono što je urađeno u svrhu definisanja vizije, ciljeva
- Bitan nedostatak je i nepoštivanje člana 3. Uredbe Ključni principi izrade strateških dokumenta, a naročito princip OMK (otvoreni metod koordinacije) koji podrazumijeva provođenje konsultacija i usaglašavanja svih nivoa vlasti u Federaciji (u ovom slučaju bar interesnih strana Kantona Sarajevo i općina u KS), te drugih interesnih strana s ciljem zajedničkog definisanja razvojnih pravaca strateških dokumenata (NVO, civilna društva, udruženja, akademska zajednica, privrednici...).
- Naveli ste da ste se uskladili sa Strategijom razvoja FBiH 2021-2027., a niste sa Strategijom razvoja KS 2021-2027. Prema našim saznanjima, a ostavljamo mogućnost da su se u



međuvremenu desile neke promjene, Strategija razvoja FBiH 2021-2027. ima isti status kao Strategija razvoja KS 2021-2027. Obrazloženje: Vlada Federacije je u februaru 2021. usvojila Strategiju razvoja FBiH i uputila u dalju proceduru, odnosno na Parlament FBiH kao zakonodavno tijelo Federacije. Također, Vlada Kantona Sarajevo na 51. sjednici održanoj 17.11.2021. godine usvojila Strategiju razvoja Kantona Sarajevo 2021-2027. i uputila Skupštini na dalju proceduru.

- Također, princip horizontalne i vertikalne koordinacije u procesu izrade strateških dokumenata (član 6. Uredbe), kao i princip javnosti i transparentnosti (član 8. Uredbe).
- Dokument nema preporučenu formu sadržaja, odnosno „hijerarhijski“ slijed, koji pruža jasnu sliku gdje nam je problem, šta bi trebao biti fokus djelovanja u narednom periodu, odnosno strateški ciljevi, prioriteta, mjere sa indikatorima za praćenje vrste i stepena promjene kroz implementaciju, i ključne strateške projekte sa indikativnim finansijskim okvirom i nosiocima implementacije (član 14. Uredbe), očekivanim rezultatima...
- U prilog prethodnoj primjedbi, smatramo da neke od predloženih mjera, nemaju karakter koji odgovara formulaciji mjere. Obnova kasarne Jajce, Obnova Bijeće tabije, Završetak obnove Bističke stanice i Obnova fasade i sl. imaju karakter strateških projekata koji se mogu realizovati kroz niz povezanih aktivnosti. Prema Uredbi član 12. Stav (2) npr. za navedeno mogla bi se definisati jedna Mjera koja bi sadržavala obnove objekata kao strateške projekte. Također, dosadašnja praksa i iskustvo su pokazali da je potrebno uraditi detaljan pregled mjera (preporučeni formati iz Uredbe) za što uspješniju realizaciju projekata.
- Većina indikatora nemaju karakter istih, jer indikator je pokazatelj promjene koja se ostvaruje kroz realizaciju strateških ciljeva, prioriteta i mjera. Za nivo projekta kao indikatori promjene, definišu se očekivani i krajnji rezultati.
- Obzirom da je ovo Nacrt strateškog dokumenta, vjerovatno zbog brzine i skraćenih procedura, nećemo davati primjedbe na gramatičke propuste.

Napominjemo, navedene sugestije, komentare i primjedbe dali smo na osnovu našeg djelokruga rada, na osnovu dugogodišnjeg iskustva na izradi strateških dokumenata, a sve u skladu sa metodologijom i smjernicama Zakona o razvojnom planiranju i upravljanju razvojem u FBiH i Uredbe o izradi strateških dokumenata u FBiH.

Za sve eventualne nejasnoće možete nas kontaktirati. Kontakt osoba: Emina Kašmo, 061/870-409.

S poštovanjem,



Direktor
Faruk Muharemović, Mr. dipl. ing. arh.

Dostaviti:

- naslovu
- a/a



Sarajevo, Branilaca Sarajeva 26; Pošt. pret 105;
Tel: Centrala + 387 33 258-275; + 387 33 258-285;
Tel: Direktor + 387 33 226-736;
Fax: + 387 33 209-543;
Tel: Finansije, Tel/Fax : + 387 33 207- 321
Web: <http://zpr.ks.gov.ba> e-mail: info@zpr.ks.gov.ba



Hava Pandžić

Pošiljalac: MARIJELA MARGETA <marijela69@hotmail.com>
Poslano: ponedjeljak, 28. februar 2022. 23:13
Prima: Gradsko Vijeće Sarajevo - pisarnica
Predmet: javna rasprava - Nacrt strategije razvoja Grada Sarajeva 2021-2027
Privici: Javna rasprava - Nacrt strategije GU.pdf

Poštovani

U prilogu je materijal za Javnu raspravu dokumenta Nacrt strategije razvoja Grada Sarajeva 2021-2027

Srdačan pozdrav,

Marijela Hašimbegović dia
Gradska vijećnica

Poslano iz programa Pošta za Windows



DEMOKRATSKA FRONTA

Saliha Udžvarlića 10

71000 Sarajevo

sekretarijat@fronta.ba

033/710-400

1.
Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO	02 MAR 2022		
Opis posla	Prilog	Vrijednost	
01-01-04-359/22			

Marijela Hašimbegović, vijećnica
Demokratska fronta

Grad Sarajevo
Gradsko vijeće Grada Sarajeva
Predsjedavajući, Jasmin Ademović
Gradonačelnica Benjamina Karić

Poštovana /i,

Ovom prilikom dostavljam materijal za Javnu raspravu dokumenta Nacrt strategije razvoja Grada Sarajeva 2021 - 2027 godine

SC 1. OTVOREN GRAD, EFIKASNA, TRANSPARETNA I ODGOVORNA GRADSKA ADMINISTRACIJA

PRIORITET 1.1. Borba protiv kriminala i korupcije

Dodati u Mjera 1.1.4 Saradnja sa Uredom za borbu protiv korupcije i uravljanja kvalitetom KS, istražnim i sudskim organima 'I saradnja sa Agencijom za prevenciju korupcije i koordinaciju borbe protiv korupcije BiH '

SC 2 GRAD BUDUĆNOSTI I RIZNICA PROŠLOSTI

Dodati PRIORITET 2.1. 9 Sufinansiranje obnove i rekonstrukcije Narodnog pozorišta Sarajevo

Kao jedna od najvažnijih kulturnih i umjetničkih institucija Narodno pozorište zauzima posebno mjesto u kulturnom nasljeđu čitave Bosne i Hercegovine. Narodno pozorište Sarajevo je zbog svojih kulturno historijskih, arhitektonskih, umjetničkih i estetskih vrijednosti proglašena Nacionalnim spomenikom BiH.

Danas zgrada Pozorišta izgleda zapušteno. Fasada je izgubila svoju vrijednost kako u estetskom i u sigurnosnom smislu usljed otpadanja elemenata fasade.

PRIORITET 2.2. Zaštita okoliša i stvaranje uslova ugodnog urbanog življenja

Mjera 2.2.4 Sprovođenje aktivnosti na pošumljavanju

Napraviti izmjenu u tekstu, umjesto riječi godišnje pošumljavanje dodati 'dva puta godišnje'

Dodati Mjeru 2.2.8 Planiranje i izgradnja infrastrukture za prikupljanje i tretman otpada radi proizvodnje energije

U cilju ostvarenja Zelenog grada i poticaja za recikliranjem otpada u svrhu proizvodnje energije sa ciljem postizanja dugoročne resursne efikasnosti u sektoru upravljanja otpadom, otpad se treba početi posmatrati kao resurs koji može podstaći lokalni ekonomski razvoj i stvoriti mogućnost za generiranjem novih radnih mjesta. Obezbjedenje vlastite energije doprinosi potpuno novim percepcijama budućeg razvoja Grada Sarajeva koji mogu osigurati energetska neovisnost i prema ugledu na Grad Beč biti pionirima novog koncepta ekološke održivosti.

Dodati Mjeru 2.2.9. Planiranje i realizacija projekata zelenih krovova

Zeleni krovovi sve su više prisutni u Europi i postali su glavno rješenje za probleme zagađenja, nedostatka prostora te problema sve viših temperatura i zagađenja zraka u gradovima. Osim što štite objekt od štetnih utjecaja sunca i vremenskih neprilika, zeleni krovovi stvaraju osjećaj ugodnijeg okruženja. Izvršiti detaljnu analizu o mogućnostima ugradnje zelenih krovova na postojećim objektima i stvoriti uslove za izgradnju zelenih krovova na novim objektima.

Dodati Mjeru 2.2.10. Planiranje i realizacija Programa integriranih solarnih panela na javnim zgradama, stambenim ili privatnim kućama.

Programom omogućiti koordiniranu pripremu i izgradnju integriranih solarnih panela na krovovima postojećih zgrada sa svrhom osiguranja električne energije iz obnovljivih izvora. Ove aktivnosti doprinose ekonomičnosti usljed smanjenih režijskih troškova i ostvaruju se energetska i klimatski ciljevi. Podršku za realizaciju ovih projekata tražiti kroz EU fondove. Svakako posebno utjecati na sprovedbu Zakona o obnovljivim energijama.

Dodati mjeru 2.2.11. Edukacija predstavnika obrazovnih institucija o uvođenju programa upravljanja otpadom

Doprinos jačanju zelenog poduzetništva kroz sudjelovanje u posebno dizajniranim praktičnim i teorijskim modularnim treninzima o cirkularnoj ekonomiji i nula otpada za predstavnike obrazovnih institucija koji će svoje znanje prenijeti na učenike. Cilj ovih vannastavnih aktivnosti su edukacija i motivacija mladih ljudi na temu obrada otpada i poslovne prilike.

PRIORITET 2.3 Sarajevo smart city

Mjera 2.3.3. Naučne i istraživačke djelatnosti i aktivnosti

Dodati mjeru 2.3.5. Tehnička kultura

Ove aktivnosti se odnose na djelovanje Zajednice tehničke kulture i udruženja na temu inovatorstva, informatičara i slično kroz istraživanje mladih. Trebamo poticati istraživački u naučni duh koji će imati dugoročne benifite na pojedinca i društvo u cjelini.

SC 5 GRAD HILJADU MOSTOVA

Prioritet 5.1. Razvoj kapaciteta u oblasti turizma

Dodati prioritet 5.1.7 Razvoj turizma temeljen na ponudi kulturnih institucija

Osnova razvoja turizma je kulturna ponuda u koju treba ugraditi kulturnu baštinu, rad kulturnih ustanova, kulturne manifestacije, umjetničku produkciju. Posjeta turista pozorištima biće novitet koji će obogatiti turističku ponudu Grada Sarajeva.


Dodati prioritet 5.1.8. Projekt 'Advent u Sarajevu'

Sa ciljem promocije i razvoja manifestacijskog turizma projekat 'Advent u Sarajevu' koji donosi poruke zajedništva, optimizma, topline pokazuju pravi praznički duh. Naime širom Evrope se proslavlja adventska nedjelja u vidu božićnog marketa, Adventskog kalendara sa prigodnim kulturno- zabavnim programom i koncertima sa balkona ili galerija i drugim propratnim događajima. Ovo su prilike kada promovišemo domaće suvenire, hranu, pletiva i slično. Grad Sarajevo treba raditi na pozicioniranju turistički poželjne destinacije kroz ovakve događaje. Poticanje 'vjerskog turizma' donosi razne benifite za cijelu zajednicu.

PRIORITET 5.2. MEĐUNARODNA SARADNJA

Dodati mjeru 5.3.5. Međunarodna gostovanja pozorišta

Potrebno je planirati jednom godišnje saradnju kroz međunarodna gostovanja pozorišta sa bratskim gradovima. Kultura je uvijek najbolja platforma za promicanjem najvažnijih vrijednosti u kojoj slavimo kulturnu različitost kroz njegovanje dijaloga i poštovanja među ljudima širom svijeta. Gostovanja su razmjena između naroda, jezika i kultura i doprinose pomirenju, otpornosti i sprečavanju sukoba koji su zaštita protiv netolerancije i nasilnog ekstremizma. Grad Sarajevo grad sa hiljadu mostova i prijateljstva ostvaruje svoju misiju ovim aktivnostima.



Broj: 01-01.1-95/2022.
Sarajevo, 28.02.2022.

07-03-2022

13	09	2124	
----	----	------	--

13
A-3, — 2

Grad Sarajevo
Hamdije Kreševljakovića 3
71000 Sarajevo

n/r gđa. Benamina Karić, gradonačelnica

Predmet: Komentari na nacrt Strategije razvoja Grada Sarajevo 2021. – 2027.


Poštovana i uvažena Gradonačelnice,


Prema službenom dopisu o dostavljanju komentara/prijedloga/sugestija na nacrt Strategije razvoja Grada Sarajeva 2021. -2027. iste Vam dostavljamo u nastavku, uz iznimnu zahvalnost na uvažavanju mišljenja i stručnosti Privredne/Gospodarske komore Federacije Bosne i Hercegovine.

Za sve dodatne komentare i dodatna pojašnjenja stojimo na raspolaganju.

U nadi da ćete uvažiti dostavljene prijedloge koje za zajednički cilj imaju unapređenje Grada Sarajeva, upućujemo Vam,

Srdačan pozdrav,

PREDsjedNIK

Mirsad Jašarspahić, dipl.ing.maš.



Prilog:

- **Komentari i sugestije na predloženi nacrt Strategije razvoja Grada Sarajeva 2021.- 2027.**

Dostavljeno:

1. Naslovu
2. a/a



Komentari i sugestije na predloženi nacrt Strategije razvoja Grada Sarajeva 2021.- 2027.:

Mjera 2.2.7 Tranzicija voznog parka Gradske uprave na električna vozila i hibridna vozila

Molimo da se umjesto predloženog indikatora „punjači za električna vozila u Sarajevu“, stavi „punionice za električna vozila u Sarajevu“.

Obrazloženje: punionice mogu imati više priključaka (jedan, dva- većinom ili više) na dakle istoj toj punionici. Samo broj o raspoloživim punjačima može dovesti do konfuzije, u odnosu na ukupan broj raspoloživih punionica širom Sarajeva, jer se kao što smo već naveli, često radi o punionicama koje imaju više priključaka. Također, praćenje ukupnog broja punjača je vrlo teže, u odnosu na ukupan broj punionica.

Nadalje, kao polazna osnova - indikator stoji 0.

Ovom prilikom ispred Udruženja za elektromobilnost informišemo Vas da je trenutno prema našim podacima oko 40-tak punionica u Kantonu Sarajevo, uz njihov kontinuiran rast. Od toga, 11 je javnih punionica, sa lokacijama na: općine Stari Grad, Novi Grad, Novo Sarajevo, Ilidža, JP Elektroprivreda BIH, JP Elektroprenos, JP aerodrom Sarajevo, BIHAMK, bezinska pumpa Energopetrol, Procredit banka, SCC.

Molimo za izmjene u navedenim indikatorima shodno lokacijama obuhvata Grada Sarajeva.

Mjera 2.3.2 Infrastruktura za električne automobile i druga prijevozna sredstva

Shodno, gore navedenom, molimo da se u indikatoru polazne osnove „infrastruktura za električne automobile“ umjesto NE, stavi DA, ali uz iznimnu potrebu za većim razvojem i unapređenjem iste, gdje Vam ispred Udruženja za elektromobilnost stojimo na raspolaganju.